

**BOSNA I HERCEGOVINA**  
**Federacija Bosne i Hercegovine**  
**ZENIČKO-DOBOJSKI KANTON**

**MINISTARSTVO ZA POLJOPRIVREDU,  
ŠUMARSTVO I VODOPRIVREDU**



**PROGRAM UTROŠKA SREDSTAVA VODNIH NAKNADA  
ZA 2014. GODINU**  
**- Izmjene -**

**ZENICA, JUNI 2014. GODINE**

## **I OSNOV ZA DONOŠENJE IZMJENA PROGRAMA UTROŠKA SREDSTAVA VODNIH NAKNADA ZA 2014.GODINU**

Zaključkom Vlade Zeničko-dobojskog kantona broj: 02-14-11464/14 od 03.06.2014. godine dato je zaduženje svim ministarstvima da odmah pristupe izradi izmjena programa utroška sredstava za 2014. godinu, uključujući i namjenska sredstva, kako bi se ista stavila na raspolaganje u svrhu sanacije šteta nastalih usljed elementarne nepogode.

U tom smislu Ministarstvo za poljoprivredu, šumarstvo i vodoprivredu je zatražilo od općina da iskažu svoje potrebe za izmjenu ranije predloženih projekata vezano za nedavne poplave. Općine su dostavile svoje prijedloge projekata koji se odnose na otklanjanje posljedica od poplava, na osnovu kojih se predlažu izmjene Programa utroška sredstava vodnih naknada za 2014. godinu (u daljem tekstu Program), koji je usvojen Zaključkom Vlade Zeničko-dobojskog kantona broj: 02-14-4123/14 od 27.02.2014. godine.

## **II OBIM IZMJENA PROGRAMA**

Program se mijenja na sljedeći način:

1. Mijenja se naziv, iznos i opis stavke A, odnosno umjesto naziva: „**Upravljanje vodama**“ stoji novi naziv „**Otklanjanje posljedica od poplava**“, a umjesto iznosa 300.000,00 KM stoji iznos: 776.067,96 KM. U skladu sa navedenim, nova stavka A glasi:

„A. Naziv: **Otklanjanje posljedica od poplava**

**Cilj projekta:** Svrha je prioritetno obezbijediti otklanjanje šteta nastalih kao posljedica poplava, a koje se odnose na vodotoke II kategorije, te za uništenu vodnu infrastrukturu. U okviru ove stavke planira se izrada elaborata za dovođenje korita vodotoka u prirodno stanje na najugroženijim područjima, izradu elaborata određivanja granica vodnog dobra uz vodotoke II kategorije, te za izradu elaborata o stanju vodotoka na području Zeničko-dobojskog kantona sa prijedlogom mjera zaštite priobalnog pojasa.

Planirana sredstava sa ove stavke mogu se koristiti i za sljedeće namjene: da je nastala hitnost u sanaciji, rekonstrukciji ili izgradnji vodnog objekta od interesa za Kanton i/ili općinu, da se radi o sufinansiranju projekata od interesa za Kanton i/ili općinu za koje su sredstava obezbijeđena iz drugih izvora, da se radi o projektima koji su planirani po ovom Programu, za koje je u toku realizacije došlo do potrebe izvođenja naknadnih, dodatnih i/ili nepredviđenih radova, a čija realizacija je neophodna radi završetka jedne građevinske cjeline ili jedne faze radova, te za provođenje drugih mjera i aktivnosti za koje se u toku realizacije Programa pojavi potreba.

**Iznos sredstava: 776.067,96 KM“**

2. Mijenja se stavka C. tako što se umjesto riječi „vršiti preraspodjelu planiranih sredstava za pojedinu općinu“ stavljaju riječi: „vršiti izmjene planiranih projekata prema iskazanim potrebama općina proizašlih iz novonastalih potreba, uključujući preraspodjelu planiranih sredstava, u okviru ukupno planiranih sredstava za pojedinu općinu“.

3. Briše se stavka E pod nazivom: „**Rezervna sredstva za interventne radove**“, pri čemu se sredstva planirana na toj stavci u iznosu od 476.067,96 KM dodaju na novu stavku A.

4. Mijenja se tabela REKAPITULACIJA, koja sada glasi:

| Redni broj        | NAZIV STAVKE                                                                                                                                                               | Planirano (KM) |
|-------------------|----------------------------------------------------------------------------------------------------------------------------------------------------------------------------|----------------|
| A.                | OTKLANJANJE POSLJEDICA OD POPLAVA                                                                                                                                          | 776.067,96     |
| B.                | IZRADA PROJEKTNE DOKUMENTACIJE ZA VODNE OBJEKTE NA PODRUČJU OPĆINA KANTONA                                                                                                 | 100.000,00     |
| C.                | FINANSIRANJE IZGRADNJE ILI REKONSTRUKCIJE VODNIH OBJEKATA (ZAŠTITNI VODNI OBJEKTI, VODNI OBJEKTI ZA KORIŠTENJE VODA, VODNI OBJEKTI ZA ZAŠTITU VODA) - OD OPĆINSKOG ZNAČAJA | 4.600.000,00   |
| D.                | REALIZACIJA PROJEKATA PREMA UGOVORENIM OBAVEZAMA IZ PRETHODNE GODINE                                                                                                       | 2.523.932,04   |
| UKUPNO (A+B+C+D): |                                                                                                                                                                            | 8.000.000,00   |

U ostalom dijelu Program ostaje neizmijenjen.

Broj: 02- 14- 13813 /14.

Datum, 03.07.2014. godine

Z e n i c a

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x a/a.

PREMIJER

Munib Husejmagić, dipl.ing.maš.